

PART I. - EKKAR IN LOAN JEMEN EI IN

SECTION 1. Etan Local Government Eo.

Et eo etan local government in ej Milelok Local Government.

SECTION 2. Belakin Local Government Eo.

Belakin edro im maron eo an local government in ekitbuj aolepen Mili Atoll im ekkar non Article IX, Section 1(1) im (3) in Jemen Ei eo an Marshall Islands, ekoba malo eo im bedbed in malo eo iloan Mili Atoll im meto im berber in meto eo ej jebole ailin in jino jen tuene tata in ijo ej ijino territory sea eo an ailin in iman baal metolok non 5 mile imeto, einwot an alikar ilo Schedule 1.

SECTION 3. Capitol

Office eo elap an local government in enaj bed ilo Mili Island, Mili Atoll, ak ilo bar juon jikin eo Council ej karoke kin resolution.

PART II. - BUKON IN EKELEL KO

SECTION 4. Bukon in Ekelel Ko.

Ekkar non Section 19 in Local Government Act 1980 eo, jikin ko an local government in rej ajej ekkar non Bukon in ekelel kein, einwot emoj kolajraki ilo Schedule 2, juon iair ej kelet woran member in Council eo emoj kalikare ikijen etan:

- (a) Tekewa koba enel ward - 2 members; im
- (b) Nally ward - 2 member; im
- (c) Mili Ward - 2 member; im
- (d) Enejit ward - 2 member; im
- (e) Lukonwor (ejab koba nadrikdrik) - 2 members.

PART III. - RAAN KOMON KIEN EO

SECTION 5. Ejak in raan komon kien eo

Juon raan komon kien, eo na etan Milelok Council, ej kio ejak non local government in, im ekkar non Section 13(1) in Local Government Act 1980 eo, maron eo an local government non komon kakien, ewoj im kojemoj money ~~in~~

ej itok iumin Article IX, Section 2 ilo Jemen Ei eo an Marshall Islands ej kio ilok none.

SECTION 6. Member ro im Ekelel Ko.

(1) Council eo enaj ejak kin 16 member ro im rej -

- (a) 10 member keletin bukon in ekelel ko, einwot an alikar ilo Section 4; im
- (b) Iroi jlaplap ro lalim ewor air maron kein ion Mili renaj jijet einwot juon ex-officio member; im

(2) Member ro jen bukon in ekelel ko ba kake ir ilo Subsection (1)(a) dri vote ro renaj kelet ir kin ballot einwot emoj karoke ilo Section 13 im 23 in Local Government Act 1980 eo.

(3) Ekelel eo maktata non kelet member ro ba kake ir ilo Subsection (1)(a) enaj komon ilo ran eo emokaj tata im ekkar elkin ran eo ej jejjet kitien Jemen Ei in, karok jen Chief Electoral Officer im tokelik ilo juon ien eo ekkar tata non jemlokin 2 yio.

SECTION 7. Qualification Ko.

(1) Qualification ko ikijen ekelel non member ro walok ilo Section 6(1)(a) rej bwe:

- (a) en 18 an yio ak drittolok; im
- (b) wor an maron ion bwirej ion Mili Atoll.
- (c) juon eo emoj an register in voter ilo bukon eo ej jibarok jene.

(2) Qualification ko non member ro walok ilo Section 6(1)(b) ej bwe en wor maron ko an Iroi jlaplap ibbeir ilo Mili Atoll.

SECTION 8. Term in Jerbal

(1) Term in jerban non council member ro walok ilo Section 6(1)(a) ej 2 yio; im

- (a) jino ilo ran eo elkin kalikar ke emoj an win; im
- (b) jemlok (ijelokin wot ne ejako jea eo an ekkar non Section 9) ilo ran eo mokta jen ekelel eo tok juon.

SECTION 9. Jea ko ejelok Kobbair.

(1) Jea eo an juon ian ro iuan Council enaj ejelok kobban kin um kein:

- (a) Term in jerbal eo an ej jemlok ekkar non Section 8; ak
- (b) emoj an jako jene qualification ko rej aikwij kar bed ibben ekkar non Section 7, ilo ien eo rar kelete ak jitone; ~~kk~~

(c) emij; ak

(d) ej kamoje e make ilo jeje non local government eo; ak

(e) emoj komakit e jen jea eo an ekkar non Subsection (2).

(2) Council eo emaron, kin vote ko an 3/4 in aolep ro iuan Council, komakit juon member jen office kin un ko rekkar.

SECTION 10. Jea ko ejelok Kobbair kin un ko jet.

Elane jea eo an juon ian ro iuan Council walok ilo Section 6(1)(a) ej ejelok kobbair kin un ko jet ijelokin an jemlok term in jermal eo an ekkar non Section 8, naj bar kane jea eo ejelok kobbair ilo ien eo emokaj tata kin juon special election ilo bukun in ekelel eo member eo ej itok jene.

SECTION 11. Kwelok Ko.

(1) Kwelok ko an Council eo renaj komon juon alen ilo jilu (3) allin, ilo ran ko im ien ko Council eo ej karoki, kin resolution ak elane jab jen Mayor eo, kin kojela ekkar non Rule in kwelok ko an Council eo.

(2) Elkin wot an alikar tokjen ekelel eo muktata an Council, Chief Electoral Officer eo enaj kir juon kwelok an Council ilo kojela non aolep ro iuan Council eo.

(3) Jabrewot ien Mayor eo emaron, elkin wot an tobrak lok ibben juon petition eo ej kwalok naj men in bebe ko jen ro relon iuaer ilo Council eo, kir non juon kwelok an council.

(4) Men in jermal ko wot emoj kolajraki ilo kojela eo ej kir juon special meeting naj jembali ilo special meeting eo.

(5) Kwelok ko an Council renaj bellok non jabrewot armij.

(6) Quorum eo non juon kwelok an council ej majority in aolep ro iuan Council eo.

(7) Mayor eo enaj tel aolep kwelok ko an Council eo elane ebed, im ilo lor wot Section 18 im Rules of Procedure ko an Council, ilo ien an jako ak ilo ien an ejelok kobbair office eo an, juon member in council kelet in ro iuan council rebed, enaj tel kwelok ko.

(8) Ijelokin wot wewin ko jet emoj karoki ilo Local Government Act 1980 eo, aolep men in bebe ko rej walok ilo juon kwelok an council naj koweppeni ekkar non vote ko relon an member ro rej bed im vote, ak ejelok bebe enaj weppen elane woran vote ko wot juon.

SECTION 12. Wewin Kwelok

(1) Council eo enaj kejbarok im je juon journal an kobbair kwelok ko an.

(2) Council eo enaj ejak an rule in kwelok, ko rejab idrabtok ibben Jemen Ei in, jabrewot kien an Central Government eo ak jabrewot ordinance an local government in, non karok wewin an council komoni im lolorjaki jermal im kwelok ko an.

(3) Ilo lor wot Jemen Ei in, makien ko an Central Government eo ak ordinance an local government in, council eo enaj make karok wewin an jermal.

SECTION 13. Committee Eo.

Council eo emaron ejak Standing Committee ko jet bwe ren jermal jermal ko ej kile ke rekkar bwe Committee en jermal.

PART IV. - JEBAN EO AN LOCAL GOVERNMENT EO

SECTION 14. Office eo an Jeban eo an Local Government Eo.

(1) Juon office an jeban eo an local government in, eo naj kile ke ej Mayor eo, ej kio ejak non local government in.

(2) Mayor eo enaj juon ex-officio member in Council eo.

SECTION 15. Qualification ko an Mayor

Qualification ko an Mayor rej erkein:

- (1) 18 yio ak drittolok
- (2) wor an maron ion bwirej ilo Mili Atoll
- (3) Juon registered voter in Mili Atoll.

SECTION 16. Kelet Mayor eo

(1) Dri vote ro an Mili Atoll renaj kelet Mayor eo kin ballot einwot an alikar ilo Section 13 im 23 in Local Government Act 1980 eo.

(2) Ekelel eo maktata non kelet Mayor eo enaj komon ilo ien ekelel eo maktata non kelet Council member ro ej komon einwot emoj karoki ilo Section 6(3).

(3) Term in jermal eo an Mayor ej emen (4) yio im enaj ijino ilo ien eo emoj kelete im jemlok ilo ien eo emoj an wor juon bwe en bok jikin.

SECTION 17. Jolok Kobban Office.

(1) Office eo an Mayor enaj ejelok kobban elane:

- (a) term in jermal eo an emoj an bojrak ekkar non Section 16(3); ak
- (b) emoj an jako jen e qualification ko rej aikwij kar bed ibben ekkar non Section 15; ak
- (c) Emij; ak

- (d) ej kamoje e make ilo jeje non local government eo; ak
- (e) Council eo ej kamoje kin vote an enjab eietlok jen 2/3 in aolepen iuan Council eo.

(2) Elane enaj jake jae eo an Mayor kin jabrewot kain un ijelokin wot un eo walok ilo Section 16(3);

- (a) naj kanne jea in kin juon special election; im
- (b) Council eo enaj jiton juon Acting Mayor bwe en bok edro in jermal ko an Mayor eo, mae ien ejejtit kitien Subsection 2(a).

SECTION 18. Dri Binej Jenkwan Jeban eo an Local Government eo.

(1) Ilo ien an jako ak utamwe Mayor eo, enaj jiton juon ian ro iuan Executive Committee eo bwe en bok edro in jermal ko an, ak elane ejab jiton juon, executive committee eo enaj jiton juon.

(2) Juon member in executive committee eo emoj jitone ekkar non Subsection (1) bwe en bok edro in lolorjaki jermal ko an Mayor, enaj belik et in Mayor, im jabrewot melele ko ilo jabrewot kien ak Rules in jermal ko an council rej iokwelok Mayor naj kile ke rejelet member in ekkar non eon in.

*** SECTION 19. Jermal Ko An Jeban Eo an Local Government Eo.**

Aolep men ko, jermal ko im edro ko jebar jen Jemen Ei in, ordinance an local government in, kien an Central Government eo im Rules of Procedure ko an council, rej kio ilok non Mayor eo.

PART V. - RAAN LOLORJAKE KIEN EO

SECTION 20. Ejak in ra eo ej lolorjake kien eo.

(1) Juon executive committee an local government in, eo etan Executive Committee eo an Milelok Atoll Council, ej kio ejak im ekkar non Section 14(1) ilo Local Government Act 1980 eo, ej ra eo eutiejtata non lolorjake kien ilo local government in.

(2) Executive Committee eo ilo koba in aolepen ej uak non Council eo ikijen lolorjake kien ilo belakin local government eo, im lolorjake jermal ko an executive committee eo im member in executive eo iumin Jemen Ei in, jabrewot ordinance an local government in ak kien an Central Government eo.

SECTION 21. Ejak In Executive Committee Eo.

- (1) Executive Committee eo enaj ejak kin:
 - (a) Mayor eo; im

(b) jilu member in council eo ijiton in Mayor eo ilo jeje; im naj etair Executive Members.

(2) Quorum eo non an Executive Committee eo ej ruo.

SECTION 22. Jolok Kobban Office.

(1) Office eo an Mayor enaj ejelok kobban ekkar non Section 17.

(2) Office eo an juon Executive Member enaj ejelok kobban elane:

(a) jea eo an ilo Council ej ejelok kobban kin kitien Section 9; ak

(b) Office eo an Mayor eo ej ejelok kobban kin kitien Section 17; ak

(c) emoj kamoje jen jermal iumin Subsection (3); ak

(d) ej kamoje e make ilo jeje non Mayor eo.

(3) Mayor eo emaron, kin wor ak ejelok un, kamoje juon Executive Member jen office.

(4) Elane office eo an Mayor eo enaj ejelok kobban kin un ko jet ijelokin an moj kamoje ekkar non Section 17(2), Executive member ro renaj wonmanlok wot im komoni jermal ko air (ekoba jermal im ijiton eo iumin Section 18 non jiton juon ro iuan executive committee eo non lolorjake jermal ko an Mayor eo.

(5) Elane enaj ejelok kobban office eo an juon Executive Member kin wot an jemlok term in jermal eo an einwot juon Council member ekkar non Section 8, enaj wonmanlok wot im komoni jermal ko an executive member mae ien emoj bar kelet juon Mayor, ak elane ejab bar erum juon member in Council eo, ejab maron vote ak bok kunan ilo kwelok ko an council.

SECTION 23. Dri Binej Jenkwan

Ilo ien an jako ak utamwe juon executive member, Mayor eo emaron:

(a) jiton bar juon executive member bwe en lolorjake jet ak aolep jermal ko an; ak

(b) jiton juon member in Council eo bwe en jermal einwot juon executive member im binej jenkwan ak men kein jimor, ilo ien an jako ak utamwe.

SECTION 24. Ajeji Jermal im Edro ko non Executive Member Ro.

(1) Ekkar non Jemen Ei in, jabrewot Ordinance an local government eo im jabrewot kien an Central Government eo, Mayor eo emaron jen ien non ien kabbeik juon executive member bwe en bok edro in lolorjake jet ian

jerbal ko an executive committee eo (ekoba edro eo ikijen lolorjake kitien ordinance ko an local government eo).

(2) Mayor eo enaj bok edro in jabrewot jerbal ko ejanin kar ajeji iumin Subsection (1).

(3) Ejelok jabrewot ilo Section in enaj jelet edro ko an Executive Committee eo ilo kobain aolepen iumin Section 20(2).

SECTION 25. Jerbal Ko An Executive Committee Eo.

Executive Committee eo ej kabijer maron, edro im jerbal ko emoj lilok none iumin Jemen Ei in, juon ordinance an local government eo, ak juon kakien an Central Government eo.

SECTION 26. Kabilek non Council eo ikijen wewin ko jet

(1) Ilo ien eo emokaj tata Mayor eo ej aikwij konnaneik Council eo, Minister eo an Kien eo an Marshall Islands ikijen local government kin -

- (a) Ijton, jolok jen jea ak kamoje an juon iuan executive committee eo; ak
- (b) Ijton eo an, ak jemlok in ijton eo an juon member in council eo non an jerbal einwot juon executive member iumin Section 23(b); ak
- (c) Ijton eo an non juon executive member non bok jikin im lolorjake jerbal ko an Mayor iumin Section 18(1); ak
- (d) Ajej eo iumin Section 24(1) ikijen edro ko non juon executive member non komoni jerbal ko an bar juon executive member.

(2) Ilo ien eo emokaj tata executive committee eo enaj kojelaik Council eo im Minister eo an Kien eo an Marshall Islands ikijen local government kin ijton eo an juon member in executive committee eo bwe en komoni jerbal ko an Mayor iumin Section 18(1).

(3) Ilo ien eo emokaj Clerk eo an local government eo enaj kojelaik Council eo im Minister eo an Kien eo an Marshall Islands ikijen local government elane Mayor eo enaj kamoj e make ekkar non Section 17(1)(d), ak elane enaj moj kamoj Mayor eo jen jerbal ekkar non Section 17(1)(c).

PART VI. - FINANCE

SECTION 27. Kejbarok Money ko rej drelontok im droijlok

(1) Ejelok ewoj naj komon im ebar ejelok money in ewoj naj toltol, im ejelok money an local government eo naj kojerbale, elane ejab melim kin kakien.

(2) Subsection (1) ej jab jermal non grant ko (ijelokin loan ko) jen kien eo an Marshall Islands, ak bar non kojerbale money ko jen grant kein non un ko, im bed iumin karok ko im rej jermal kaki.

(3) Aolep money ko bok non local government in naj, ijelokin wot ne komalimi kin ordinance an local government eo ak iumin juon Local Government Financial Memoranda, komon iumin Section 41(2) ilo Local Government Act eo an 1980, kollaik lok non juon fund ak account ejak ekkar non juon ordinance ak financial memoranda eo.

SECTION 28. Edro Ko An Executive Committee Eo Ikijen Money

(1) Ej edro eo an Executive Committee eo non jake manlok bebe ko non council eo ikijen jabrewot jermal ko rejelet budget, elap tata executive committee eo enaj komon recommendation ko non council eo non komon ewoj im jermal in money ko jet, im non wewin kojermal money non local government in.

(2) Executive Committee eo ej iuak non council eo ikijen aolep jermal in money an local government eo im non komeleleik aolep jemlok in money kein ekkar non kojemoj ko an council eo ak maron ko jet ekkar non Jemen Ei in, juon ordinance an local government eo ak juon kien an Central Government eo.

(3) Ijelokin wot ne kabilok ak kin erra eo an Executive Committee eo, kamole jen ak ilo etan Mayor eo, council eo ej jab maron komalim jabrewot ordinance ak jabrewot jermal ko jet jakemantak jen ro jet iuan council eo ijelokin wot Mayor eo ak juon iuan Executive Committee eo elane ordinance eo enaj, ilo lomnak eo an eo iuan council eo tel kwelok eo.

- (a) Kojermal ak muri ikijen money ko an local government eo; ak
- (b) Kojabikbiki ak ukote (ijelokin wot ne ikijen kadrikdriklok) jermal in money ak muri; ak
- (c) kojermal, ukote ak jolok jabrewot ewoj, rate, muri wonen ak fine.

SECTION 29. Budget in Kojemoj

(1) Executive Committee eo enaj lolorjake bwe en jadremantak iman council eo ilo aolep financial yio -

- (a) Juon lajtrak in budget estimates ikijen money im wewin kojembali; im
- (b) juon ordinance in kojemoj non lajtrak wewin an naj jermal money ko an council eo, im maron in bar komon kakobaba ko im ordinance ko rejelet money in kakobaba.

(2) Ilo lor jabrewot Local Government Administrative Memoranda komon iumin Section 46(1)(a) ilo Local Government Act eo an 1980 ikijen wewin komon ordinance ko im non jabrewot Local Government Financial Memoranda komon iumin Section 46(2) ilo ejja kien in wot, ordinance in kojemoj ko im ordinance in kabwebwe ko renaj lor jekjekin bill in kojemoj ko an Kien eo iolap iumin Article VIII, Section 6 im 8 ilo Jemen Ei eo an Marshall Islands.

(3) Ilo lor wot jabrewot Local Government Financial Memoranda komon iumin Section 46(2) ilo Local Government Act eo an 1980, juon ordinance an local government eo emaron komon eon ko, ilo lor bedbed ko ilo Article VIII, Section 7 im 9 ilo Jemen Ei eo an Marshall Islands, non jermal in money ko rej itok wot, ekoba re-programming im juon contingencies fund.

(4) Ejelok jabrewot ilo section in enaj kabojrak kojemoj ko im rej alikar un ko air bwe ren mottan ordinance ko an local government eo ijelokin wot ordinance in kojemoj eo ak juon ordinance in kabwebwe.

(5) Kojemoj ko naj jako kitier ilo jemlokin aolep financial yio eo im ejelete, ijelokin wot ne ilo lor wot title eo, juon ordinance an Council eo enaj bar karoke.

SECTION 30. Loan Ko

Local Government in ejamin ebbok loan ko, kotlok muri ikijen revenue ko an tokelik, ak komon jabrewot kain muri ko renaj jelet money ko an tokelik elane ejab lor Section 50 ilo Local Government Act eo an 1980.

SECTION 31. Account Ko.

(1) Executive Committee eo enaj lolorjake bwe en wor account ko ebolemair im jejet im record in revenue ko im expenditure ko an local government eo im men ko mweien local government eo.

(2) Account im record kein renaj lor -

(a) Jabrewot Local Government Financial Memoranda ejak iumin Section 46(2) ilo Local Government Act eo an 1980; im

(b) Ekkar non memoranda kein jabrewot kabilek jen Auditor-General eo; im

(c) Ekkar non memoranda kein jabrewot ordinance an local government eo.

(3) Executive Committee eo enaj ilo ien eo ejejet im mokajtata ilo jemlokin juon financial yio, dror iman council eo account ko ikijen jabrewot money im wewin air kar jermal non local government eo ilo yio eo, koba ibben jabrewot report ko ikijen bwinbwin account ko iumin Section 32.

SECTION 32. Audit (Bwinbwin)

(1) Ilo koba lok iben bwinbwin eo walok iumin Section 40 ilo Local Government Act eo an 1980, Auditor General eo ak juon eo emoj an komalimi emaron ilo jabrewot ien bwine account im record ko an local government in im jabrewot account ko drori ak lomnak in drori iman Council eo ekkar non Section 32(3).

(2) Auditor-General eo ak juon eo ej komalimi enaj report lok non council eo im Minister eo an Kien eo an Marshall Islands ej bok edro in Local Government ko kin bwinbwin eo im, enaj ilo report eo an, kwaloki aolep tibrikrik in likjab ko iloan account im record kein, ak ilo account ko ekkar non ijo ejelete.

(3) Non komon jerbalk ko an bwinbwin iumin Subsection (1), Auditor-General eo ak juon eo ej jitone ewor an maron im jimwe walok ilo Article VIII, Section 15 in Jemen Ei eo an Marshall Islands.

SECTION 33. Financial Memoranda ko

Ekkar non Jemen Ei in, jabrewot armij eo ej bok kunan ilo lolorjake makitkit in money ilo local government in renaj lor aolep Local Government Financial Memoranda ko walok iumin Section 46(2) ilo Local Government Act eo an 1980.

PART VII. - DRI JERBAL

SECTION 34. Dri Jerbal Ro An Local Government Eo.

(1) Mayor eo, ilo etan Local Government eo, emaron jiton juon Clerk non Local Government eo, im bar officer im dri jermal ro jet einwot an watoke ke men in aikwij non komanman jermal ko an local government eo.

(2) Local Government eo ej e eo ej kojermal Clerk in im officer im dri jermal ro jet an kien eo.

(3) Term im wewin ijiton im jermal an Clerk eo im officer ro im dri jermal ro jet naj komon kin ak iumin maron an ordinance an local government eo, im elane enaj ejelok ordinance, naj oktak ko rekkar, lori wewin an ro ilo Public Service eo im rej bok jermal ko, non jabrewot unin jermal ilo jabrewot kien an Central Government eo non -

(a) Chief Secretary eo ak juon department head non ikijen Clerk eo; im

(b) Public Service Commission naj ikijen executive committee.

SECTION 35. Seconded, etc. public servants

Ekkar non jabrewot karok ko iumin Section 16(3) ilo Local Government Act eo an 1980, im non jabrewot un ko reoktak ilo jabrewot ordinance an

local government eo, juon member in Public Service eo im naj kojerbale ilo local government ekkar non Section in, ak lelok jiban ko an non local government in naj kile ke ej officer in local government in non lolorjake un ko ikijen jabrewot ordinance ilo local government in ijelokin wot juon ordinance eo ej kalikar term in wewin jermal non local government in.

PART VIII - OKTAK NON JEMEN EI IN

SECTION 36. Wewin Komon Oktak

- (1) Jemen Ei in emaron in oktak kin wewin kein:
 - (a) juon petition sign jen enjab eietlok jen jimettan in registered voter ro ilo Mili Atoll ilo kajitok bwe en wor oktak; im
 - (b) juon ordinance ella ibben 2/3 in council eo; im
 - (c) weppen ilo juon referendum jen ro remaron vote ion Mili Atoll.

PART IX. - EDRO KO JET

SECTION 37. Kabilek ko jen Central Government ikijen Ordinance

Elane Minister eo an Kien eo an Marshall Islands ikijen local government ej rejan non council eo bwe juon ordinance en komon, ukok ak manlok loan, Mayor eo enaj lolorjake bwe kobban kabilek eo en jere iman council eo koba nan in kabilek ko jen Executive Committee eo.

SECTION 38. Jimwe im Ekkar non Ordinance ko.

(1) Mayor eo emaron, im enaj elane council eo enaj karok, kajitok lok ibben Minister eo an Kien eo an Marshall Islands ikijen local government, kin juon report jen Attorney General eo kin jimwe im ekkar an juon ordinance ak jabrewot elmakot in ordinance an local government eo, ak kin jabrewot jermal ak elmakot in jermal an local government eo.

(2) Elane Minister eo enaj komone juon report eo einwot kajitok eo ej walok ilo Subsection (1), Mayor eo enaj kwalok report in non council eo.

SECTION 39. Ejelok Kobban Jea Ko

Jemlok ko emoj air dedelok jen council eo, Executive Committee eo, im ilo lor wot jabrewot ordinance an local government eo im rules in jermal ko an council eo, im committee ko an council, rejamin oktak kitier ilo an wor jea en ejelok kobban, elane woran member eo non kaun juon quorum non kwelok ej bed wot.

SECTION 40. Jermal

Elane ewor jabrewot kain jermal ak unin jermal lelok non, jakemanlok ak karon local government eo ilo juon ien eo -

- (a) Ejelok kobban jea eo an Mayor eo ak elane ejako ak eutamwe

(b) Ejelok armij jitone iumin Section 18; naj jilkinlok im address
e Clerk eo an local government in.

SECTION 41. Jejjit Kitien.

Jemen Ei in enaj jejit kitien ilo ien eo Minister eo an Kien eo an
Marshall Islands ikijen local government enaj karoke.

MILI ATOLL LOCAL GOVERNMENT

ORDINANCE NO. 83-1

ORDINANCE NO. 83-1 IS HEREBY ENACTED BY THE MILI ATOLL COUNCIL AS FOLLOWS:

Section 1. Title

This Ordinance can be cited as To Amend Section Six (1b) of Part III of the Mili Atoll Constitution.

Section 2. The Amendment

In Section Six (1b) Part III of Mili Atoll Constitution the five Iroij of Mili Atoll are seated in the Council as non-voting members, and the Amendment is to have the Iroij be seated in the Council as voting members. This Ordinance is, then, enabling the five Iroij of Mili Atoll to have voting rights in the Council.

Section 3. Effective Date

This Ordinance is to be in effect on the 4th day of April, 1983.

Date Introduced: 3/29/83

Adopted and passed by the Millelok Local Government on this 30 of March, 1983.

Certified: Mada... .. 4/16/83
Mayor Date

Attested: M... .. 4/16/83
Clerk Date